

# **IMAQARNILIAQ MAA - Meeqqanut Atuarfeqarnermullu Ataatsimiititaq 11-09-2018**

**Ulloq ataatsimiiffissaq**    Tirsdag 11. september 2018 kl. 20:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kommuneqarfik Sermersuumi nipilersornermik ilinniartitsineq.....	7
Kvartalit aappaat pillugu ilisimatitsissut.....	10
Aalajangiiffigisassat.....	13
Suliat Aningaasaqarnermut Inuussutissarsiornermullu Ataatsitamut.....	14
Meeqqanut Atuarfeqarnermullu Ataatsimiititap angalasimaneranit nalunaarusiaq.....	15
Nuummi aamma Tasiilami Atuartut angerlarsimaffii pillugit killiffik.....	18
Taasariaqartut allat.....	23
Oqaluuserisassat matoqqasut.....	24
Imaqarniliap akuerineqarnera.....	25

## **Punkt 0: Saqqaa**

<p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiiooq Knudsen (S)</p>  
<p>Michael Rosing (SA)</p>

### **Beslutning**

Oqarasuaatikkut peqataapput:

Henrik Rachlev (IA)

Thiiooq Knudsen (S)

# **Punkt 1: Oqaluuserisassat akuerineqarneri**

## **Beslutning**

Imm 05B - Tullianik ataatsimiinnissamut kinguartinneqarpoq, paasissutissat amigarneri pissutigalugit.

Pisortap erseqqissaatigaa suliaq aggusti 2017-imi oqaluuserisassanngortinneqarsimasoq.

Ataatsimiititamut allatsip takussutissat siusinnerusukkullu suliamut saqqummiussaqq auggustip arfineq-pingajuat 2017-imeersoq ataatsimiititami ilaasortanut nassiutissavai.

Oqaluuserisassat akuersissutigineqarput.

## **Punkt 2: Nalunaarutit**

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

### **Beslutning**

2A.

Perorsaasussaaleqineq pillugu Nuummi ingerlaaqatigiittoqarpoq. Siulittaasoq najuussinnaasimanngilaq, tusagassiorfiilli aqutugalugit malinnaasimalluni.

Siulittaasup Nuumi najukkami ataatsimiititaliornermi innuttaasut sulilluarnissaannik kissaassivoq.

Siulittaasup Naalackersuisuni qanoq pisoqarnissaa pissangalluni utaqqimaassavaa, piaartumillu pisoqarnissaa siunissamilu suleqatigiilluartoqarumaarnera kissaatigalugu.

2B.

Henrik Rachlev ataatsimiititami siulittaasunngornerani pilluaqquneqarpoq, pisortap qanimut suleqatigiinnissaq qilanaaraa, aammalu suliat assigiinngitsut ingerlatsivimmiillu paasisstissat pillugit siulittaasup pisortallu sapaatip akunneranut ataasiarlutik ataatsimeeqatigiittarnissaat isumaqatigiissutigineqarpoq.

Ataatsimiititaq aggustimi angalammat pissarsiffiulluarpoq, tamanna pillugu qujanaq.

Ingerlatsivik 2019-imut missingersuusionermut tunngasunik suliaqarluni ulapputeqarpoq.

## **Punkt 3: Ilisimatitsissutit**

## **Punkt 03A: Kommuneqarfik Sermersuumi nipilersornermik ilinniartitsineq**

### **Beslutning**

Ilisimatitsissut tusaatissatut tiguneqarpoq

## **Kommuneqarfik Sermersuumi nipilersornermik ilinniartitsineq**

Meeqqanut, inuusuttunut inersimasunullu.

Ilisimatitsissut

J.nr.: 55-03

Meeqqanut Atuarfeqarnermullu Ingerlatsivik – pisortaq Helene Broberg Berthelsen / hebe

### **Suliassamik eqikkaaneq**

Kulturikkut ingerlatsineq sunngiffimilu sammisassaqaqtitsineq pillugit Inatsisartut inatsisaat naapertorlugu meeqqanut, inuusuttunut inersimasunullu nipilersornermik ilinniartitsineq ilisimatitsissutitut matumuuna Meeqqanut Atuarfeqarnermullu Ingerlatsivimmit saqqummiunneqarpoq.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Meeqqanut Atuarfeqarnermullu Ataatsimiititamat ilisimatitsissut tusaatissatut tigupeqassasoq

### **Suliassamik saqqummiussineq**

Sermersuumi Nipilersornermut Ilinniarfik sunngiffimmi kommunimi innuttaasunut 21-t tungaanut ukiulinnut tamanut neqeroorutaavoq. Nipilersornermik Ilinniarfik Nuummi, Tasiilami, Kulusummi aamma Paamiuni immikkoortortaqaqarpoq. Nipilersornermik Ilinniarfiup meeqqat atuariata ukioq atuariusoq malittarpaa, taavalu meeqqanut inuusuttunullu 21-t tungaanut ukiulinnut pitsaalluinnartumik, nipilersuutunik akeqanngitsumik ilinniartitsinermik, erinarsoqatigiinnermik nipilersoqatigiinnermillu neqerooruteqarluni. Inersimasut Nuuk Byorkesterimi aamma Qupannavaani inuusuttut erinarsoqatigiivini Nipilersornermik Ilinniarfimmiittuni peqataasinnaapput.

Ilinniartitsineq atuareernerup/sulereernerup kingorna ingerlanneqartarpoq. Innuttaasut soqutigisaat kissaataallu assigiinngitsut eqqarsaatigalugit, nipilersornermi nipilersoriaatsit assigiinngitsut neqeroorutigissallugit Nipilersornermik Ilinniarfimmit pingaarnersiorneqarpoq. Assigiinngitsut taama amerlatigitillugit immikkoortortaqaqarfiimmit attackumaneqarput. Nipilersornermik Ilinniarfiup ilinniartitsissutaanut elektroniskimik Nuummi ilannguttoqarsinnaavoq, tassungalu linkitaa meeqqat atuariiut tamanut maajip qaammataani nassiunneqarpoq, taamaammat ukiup atuariusup tulliata aallartinnissaanut ilanngukkusuttut ilanngussinnaallutik. Linkitaa kommunip nittartagaani aamma allaqqavoq Nuuk Ugeavisianilu naqinneqartarluni. Immikkoortortaqaqarfinni allani, tassa Paamiuni, Ittoqqortoormiini Tasiilamilu, aggustip qaammataani meeqqanut atuartunut tamanut ilanngunnissamat quppersagaq nassiunneqassaaq. Illoqarfinni siuliini taaneqartuni elektronikkimik ilanngunnissaq periarfissaavortaaq.

Nipilersornermik Ilinniarfik 15-inik ilinniartitsisoqarpoq atuartullu sungiusariartartut 230-t missaanniillutik. Kulturikkut pisussat pissanganartut pilersinniarlugit najukkami nunanilu tamalaani suleqatit Nipilersornermik Ilinniarfimmit suleqatigineqartarput. Ukiup atuariusup ingerlanerani Nipilersornermik Ilinniarfimmi atuartut tusarnaartitsigajupput kommunillu aqqissuussaani peqataasarlutik, soorlu Inuiattut Ullorsiornermi, qasujaallisarnermi, Unnuk Kulturisiornermi, Nuuk Nordisk il. il.

Matumani neqeroorutit immikkoortortani assigiinngitsuni takuneqarsinnaapput:

**Nuuk:** Pattagiaq noqartilik, guitar, agiarsuaq cello, klarinetti, qarlortaat trompet, saxofon, qatitooq, qarlortaat, meeqqat nipilersornermik sammisaqarnerat, nipilersoqatigiinneq, Byorkester, ukulele, tumerparpaat, elektroniskimik nipilersorneq/nipilersuusiorneq, erinarsoqatigiit.

**Tasiilaq:** Pattagiaq noqartilik, guitar, qatitooq, erinarsorneq, tumerparpaat, nipilersoqatigiinneq.

**Kulusuk:** Pattagiaq noqartilik

**Paamiut:** Pattagiaq noqartilik aamma nipimik immiussineq (allanik ilaneqarnissaat sulissutigineqarpoq)

#### *Aaqqiissutissatut siunnersuut – suliatigut naliliineq*

Eqqaaneqassaaq, Nipilersornermik Ilinniarfik agissamik ilinniarititsinissamut ilinniarititsisussamik pissarsioraluarani, iluatsinngilarli. Taamaattoq neqeroorutit allat soorlu nipilersoqatigiinneq, ukulele aamma elektroniskimik nipilersorneq toqqagassanngortinneqarput. Paamiuni Nipilersornermik Ilinniarfimmi ilinniarititsisumik aalajangersimasumik sulisussamik atorfinitsisiniarneq ingerlanneqarpoq, ilaatigut immikkoortup ingerlallualernissaa eqqarsaatigalugu. Ukiumi atuarsiuseri matumani Kulusummi Nipilersornermik Ilinniarfik aggustip/septembarip qaammataani Nipilersortarfimmut nutartikkamut isertissaaq. Ineriartorneq Nipilersornermik Ilinniarfimmit nangittumik aallunneqassaaq, taavalu tulliatut Ittoqqortoormiit aallutissavaat. Ukioq manna decembarip qaammataani nipilersornermik ilinniarititsisoq illoqarfimmut tikeraassamaarpoq.

#### *Aningaasaqarnikkut sulisoqarnikkullu naliliinerit*

Nipilersornermik Ilinniarfik nammineerluni kontoqarpoq, tassaalluni 404050800 missingersuutillu qaanginnginnissaat ingerlatsivimmit naatsorsuutigineqarpoq. Nipilersuutitut, atortuutit aserfallatsaaliornissaannut, ilinniarititsisut akissarsiassaannut, workshopertitsisarnissanut, atuartut avataaniit ilinniarititsisoqarnissaannut tusarnaartitsinissanullu aningaasartuuteqassaaq.

#### *Inatsisitigut tunngavissaq allakkallu tunngaviusumik uppersaatitallit*

Kulturikkut ingerlatsineq sunngiffimmi sammisassaqaartitsineq pillugit Inatsisartut inatsisaat nr. 5, 6. juni 2016-imeersoq.

Naalackersuisooqatigiinnissamik isumaqatigiisummi 2017-2021 iliuserisassat MA43 - Sunngiffimmi neqeroorutit akeqanngitsut ineriartortinneqassapput

#### *Ingerlariaqqinnissaq*

Nuummi Nipilersornermik Ilinniarfik ataavartumik ilinniarititsissutissanik neqeroorutinillu inerisaassaaq taavalu kommunimi sumiiffinni allani sapinngisamik missingersuutit qaangernaveersaarlugit taamatut. Nipilersornermik Ilinniarfiup ineriartorneq aallutissavaa, oqaatigineqareersutullu Ittoqqortoormiit tullinnguunneqarput.

#### **Aningaasaqarnermut Allatseqarfimmit oqaaseqaatit**

Sammisat missingersuutit naapertorlugit ingerlanneqarmata Aningaasaqarnermut Allatseqarfik oqaaseqartinniarneqanngilaq.

#### **Ilanngussaq**

Soqanngilaq

## **Punkt 03B: Kvartalit aappaat pillugu ilisimatitsissut**

### **Beslutning**

Ilisimatitsisut tusaatissatut tiguneqarpoq

### **Bilag**

Bilag Kvartalsvis orientering\_samlet AUG 18.docx

## **Kvartalit aappaat pillugu ilisimatitsissut**

Peqqinneq Susassaqtitsivillu

Ilisimatitsissut

J. nr.: 55.00

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

### **Suliassamik eqikkaaneq**

Peqqinnermut Susassaqtitsinerullu Immikkoortortaqrifiup 2018-imi kvartalit aappaanni anguniakkatut angusimasat nalilersoqqammerpai. Kvartalikkaartumik nalilersukkat Meeqqanut Atuarfeqarnermullu Ataatsimiititamut ilisimatitsissutit ingerlateqqinneqarput.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititamit ilisimatitsissut tusaatissatut tiguneqassasoq

### **Suliassamik saqqummiussineq**

Peqqinnermut Susassaqtitsinerullu Immikkoortortaqrifimmut 2018-imi kvartalit aappaanni kvartalikkaartumik nalilersuineq. Peqqinnermut Susassaqtitsinerullu Immikkoortortaqrifik tamatuma saniatigut Paamiuni, Tasiilami Ittoqqortoormiini Sermersooq Nipilersornermik Ilinniarfimmik aamma Naluttarfik Malimmik immikkoortortaqrifeeraqarpoq.

2018-imi kvartalit aappaat – Apriili, maaji aamma juuni

Maaji Nuan.

Kommuneqarfik Sermersuumi ileqqusoq malillugu illoqarfinni tamani Maaji Nuan ingerlanneqarpoq. Piumassutsiminnik suleqataarusuttunut pilersaarutit assigiinngitsut suliarineqarput.

PANAM (Amerikap Nunavittaani Assammik arsarluni pissartanngorniutivinnek)

PANAM aqqtugalugutaaq Assammik arsarluni Nunarsuaq tamakkerlugu pissartanngorniunnissamut anngunniuttoqarpoq. Aaqqissuussaq Nuummi ingerlanneqarpoq, tassanilu Kommuneqarfik Sermersooq pissartanngorniunnermi aningaasaliisut annertuut ilagaat. Peqqinnermut Susassaqtitsinerullu Immikkoortortaqrifimmi sulisut aaqqissuussaq tamaat attuumassuteqarfigalugu suleqataapput.

Meeqqat ulluat

Kommuneqarfik Sermersuumi illoqarfinni tamani meeqqat ulluat aaqqissuunneqarpoq, taakkunanilu pilersaarutit assigiinngitsuupput, ilaatigut nipilersornermik ilinniarfimmii atuartut nipilersortartullu allat tusarnaartitsippat, mikisunik aaqqissuussisoqarpoq, illoqarfinni mikinerusuni meeqqanut filmeqartitsisoqarpoq, Paamiuni ingerlaaqatigiittoqarpoq kiisalu meeqqanut naatitaqartitsisoqarlunilu tamulugassamineqarluni (snacks).

Naluttarfik Malimmi meeqqanik annaassiniarneq

Malimmi meeqqat arfineq-pingasuniit 17-inut ukiullit nalunnermut sungiusaasoqarlutik/ikiuisartoqarlutik angajoqqaami akuersineratigut meeqqanik annaassiniarneq pillugu sungiusarnermi peqataapput, annaassiniariaatsit assigiinngitsut pillugit sungiusartinneqarput.

Elektroniskimik peqataanissamut nalunaartarnerup atulersinnera  
Elektroniskimik peqataanissamut nalunaarneq aamma sammisassat neqeroorutillu  
allaaserineqarnerat. Nipilersornermik Ilinniarfimmit Sunngiffimmi atuartinneqarnissamut kiisalu  
Sulinngiffeqarnermi aaqqissuussanut neqeroorutit peqataaffiginissanut elektroniskimik  
nalunaarfissami ataatsimiitillugit neqeroorutit nalunaarfissallu ajornaannerulersippai.

2018-imi kvartalit aappaanni sammisassat aaqqissuussallu sinnerit ilanngussamut  
ilanngunneqarput.

*Aaqqiissutissatut siunnersuut – suliatigut naliliineq*

2018-imi kvartalit aappaanni anguniagassatut angusimasat Peqqinnermut Susassaqartitsinermullu  
Immikkoortortaqarfimmit naammagisimaarneqarput, taamaattoq anguniakkat innuttaasut  
pisariaqartitaannut naapertuuttunngorlugit inerisarneqassapput, takukkit Suleqatigiinnissamut  
isumaqatigiisummi anguniakkat.

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavissaq allakkallu tunngaviusumik uppernarsaatitallit*

Kulturikkut ingerlatsineq sunngiffimmi sammisassaqaartitsineq pillugit Inatsisartut inatsisaat nr. 5,  
6. juni 2016-imeersoq.

Inuuneritta II

Susassaqaartitsineq aamma kulturikut anguniakkat pillugit MA-mut suleqatigiinnissamut  
isumaqatigiisummi anguniakkat.

*Ingerlariaqqinnissaq*

Kvartalikkaartumik nalilersuinerit ilisimatitsissutitut Peqqinnermut Susassaqaartitsinermullu  
Immikkoortortaqarfimmit Meeqqanut Atuarfeqarnermullu Ataatsimiititamut ataavartumik  
nassiunneqartarput.

**Aningaasaqarnermut Allatseqarfimmit oqaaseqaatit**

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allanit oqaaseqaatit**

Soqanngilaq

**Ilanngussaq**

Ilanngussaq 1 2018-imi Peqqinnermut Susassaqaartitsinermullu Immikkoortortaqarfimmi  
kvartalikkaartumik ataatsimut nalilersuinerit

## **Punkt 4: Aalajangiiffigisassat**

**Punkt 5: Suliat Aningaasaqarnermut Inuussutissarsiornermullu  
Ataatsitamut**

## **Punkt 05A: Meeqqanut Atuarfeqarnermullu Ataatsimiititap angalasimaneranit nalunaarussiaq**

### **Beslutning**

Inassuteqaatit akuerineqarput, Aningaasaqarnermut Inuussutissarsiornermullu Ataatsimiititamut ingerlateqqinneqarlunilu.

### **Bilag**

Bilag rejserapport KAL.docx

# **Meeqqanut Atuarfeqarnermullu Ataatsimiititap angalasimaneranit nalunaarusiaq**

Aarhusimut aggustip 13-ianniit 18-iata 2018-ip tungaanut

## **Aalajangiiffigisassaq/Paasisutissaq**

J. nr.: 15.03/01.02.05

Meeqqanut Atuarfeqarnermullu Ingerlatsivik – pisortaq Helene Broberg Berthelsen

## **Suliassamik eqikkaaneq**

Meeqqanut Atuarfeqarnermullu Ataatsimiititaq aggustip qiteqqunnerani 2018 aappassaaneerluni ataatsimiititatut angalavoq. Angalanermi Aarhus tikinneqarpoq siunertaralugu meeqqanut ilaqutariinnullu suliassaqarfimmi misilittagaqarluarfiusut paasisassarsiorfigiartorlugit. Angalasimanermit nalunaarusiamut pilersaarut ilanngunneqarpoq, naalisagaq aammalu ilikkagassat.

## **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ataatsimiititap angalasimanermit nalunaarusiaq akuersissutigineqassasoq.
- Ataatsimiititap angalasimanermit nalunaarusiaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutit ingerlateqqissagaa.

## **Suliassamik saqqummiussineq**

Meeqqanut Atuarfeqarnermullu Ataatsimiititaq aggustip qiteqqunnerani 2018 aappassaaneerluni ataatsimiititatut angalavoq. Angalanermi Aarhus tikinneqarpoq siunertaralugu meeqqanut ilaqutariinnullu suliassaqarfimmi misilittagaqarluarfiusut paasisassarsiorfigiartorlugit.

Meeqqanut Atuarfeqarnermullu Ataatsimiititamit angalaqataapput Nivi Olsen (siulittaasoq), Henrik Rachlev (siulittaasup tullia), Uju Petersen (ilaasortaq), Thiiioq Knudsen (ilaasortaq) aamma Knud Mathiassen (ilaasortaq). Meeqqanut Atuarfeqarnermullu Ingerlatsivimmit angalaqataapput Helene Broberg Berthelsen (pisortaq) aamma Ria Westergaard Pedersen (AC-fuldmægtig)

Sapaatip akunnerani ataatsimi pilersaarut naapertorlugu (aggustip 13-ianniit 20-ata 2018-ip tungaanut), kommunimi atuarfiit arlallit, meeqqeriviit klubbillu pulaarneqarput. Suliffeqarfiit makkua pulaarneqarput:

- Ukioqatigiinngitsunut meeqqerivik Haven
- Ellekærskole
- FabLab – meeqqanut inuusuttunullu sullivik pilersitsiffiusartaq
- Frederiksbjergskole
- Søndervagsskole
- UngiAarhus, Aarhus Kommuneata meeqqanut inuusuttunullu klubbinut susassaqartitsinermilu klubbinut ataatsimoorussamik isaariaa. Taakkununga ilaallutik Aarhus Vest-imi klubbit; Klubben Musvågevej aamma Klubben Peter Fabers Vej

Aammalu Aarhus Kommuneani Meeqqanut Inuusuttunullu Rådmand, Thomas Medom ataatsimeeqatigineqarpoq.

Paasisassarsiorluni angalanermi pingaarnertut sammineqarpoq marlunnik ilinniartitsisoqartarnej, atuarfinni meeqqerivinnilu timimik atuinerulernissaq aammalu atuartut nuannarininnerinik

misissuisarnerit. Pulaakkani, eqqartuinerni misilittakkanilu Inuit Ataqtigiit Demokraatillu Kommuneqarfik Sermersuumi 2017 - 2021 suleqatigiinnissamik isumaqatigiissutaanni tikinneqartut tassaapput:

- Atuarfinnik nutaanik, meeqqerivinnik AKO-nillu Siorarsiorfimmut pilersaarummut atatillugu pilersitsiortorerit.
- Meeqqeriviit sunngiffimmilu neqeroorutit tamarmik timimik atuinissaq, timigissartarnissaq, aalanissaq il.il. qularnaarniarlugu suliniuteqassapput.
- Nunaqarfinni meeqqeriviit inillu pinnguartarfiit illutamikkut perorsaanikkullu nalilersorneqassapput, illutatigut perorsaanikkullu neqeroorutit ullutsinnut naapertuuttut pilersinnissaat siunertaralugit.
- Meeqqerivimmiit atuarfimmut ikaarsaarnerup qularnaassavaa meeqqap pitsaanerpaamik atuarfinni aallartinnissaa, aamma atualernissamut piareersimassusermik misissuisarnermik isuma periuserlu angajoqqaanut paasisstissiissutigineqassaaq illuatungeriimmik paaseqatigiilluarnissaq siunertaralugu.
- Inuusuttunut klubbit neqeroorutaat nutaaliarineqassapput, inuusuttut aamma NUIF qitiusumik ilisimasaqarfittut suleqatigalugit.
- Inuusuttut akornanni aanngajaarniutinik atuinerup akiorniarnissaa pissuseqarfigiinnerullu allangortinnissaa.

*Aaqqiissutissatut siunnersuut – suliatigut naliliineq*  
Suliatigut naliliinertaqanngitsumik nassiunneqarpoq

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavissaq allakkallu tunngaviusumik uppersaatitalit*

*Ingerlariaqqinnissaq*  
Meeqqanut Atuarfeqarnermullu Ataatsimiititap angalanerminnit paasisatik ataatsimiititami suleriaqqinnerminni atorpaat.

**Aningaasaqarnermut Allatseqarfirmmit oqaaseqaatit**  
Aningaasaqarnermut Allatseqarfik oqaaseqartinneqanngilaq.

### **Ilanngussaq**

1. Meeqqanut Atuarfeqarnermullu Ataatsimiititap agusti 13-imi Danmarkimi Aarhusimut paasisassarsiorluni angalaneranit nalunaarussiaq

## **Punkt 05B: Nuummi aamma Tasiilami Atuartut angerlarsimaffii pillugit killiffik**

### **Beslutning**

Tullissaanut kinguartinneqarpoq ilisimatississutit amigarmata

## **Nuummi aamma Tasiilami Atuartut angerlarsimaffii pillugit killiffik**

Ilisimatitsissut

J. nr.: 51.00-G01-242-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / hebe

### **Suliassamik eqikkaaneq**

Ukioq 2016-imi suliffiup avataani suliffeqarfik siunnersuisartooq suleqatigalugu, Nuummi perorsaaneremut aqutsinermullu tunngasortai atuartut angerlarsimaffiat sammineqarpoq. Nuummi atuartut angerlarsimaffiat atuarfeqarneremut immikkoortortaqaarfimmit ataavartumik attaveqarfigineqarpoq, ilaatigut innersuussutigineqartut sulissutigineqarnersut malinnaaffiginiarlugit.

Tasiilami atuartut angerlarsimaffianni aqutsinermut perorsaaneremullu tunngasut pitsanngorsarneqarnissaannut periusissialiortoqarnissaanut suliffiup avataani suliffeqarfik siunnersuisartooq INUA LIFE 2017-imi oktobarip qaammataani Atuarfeqarneremut Immikkoortortaqaarfimmit isumaqatigiissuteqarfigineqarpoq.

Tasiilami atuartut angerlarsimaffianni suliniutit suut iliuuseqarfigineqassanersut pillugit innersuussutitalinnik nalunaarussiaq tunngavigalugu iliuusissatut pilersaarusiortoqarpoq. Suliniutit ataasiakkaat aallartisarneqareerput, taavalu Atuarfeqarneremut Ulluuneranilu Neqeroorutinut Immikkoortortaqaarfimmit siunnersortit marluk Tasiilamukarlutik Tasiilami sulisut immikkut ittumik sammisaqartereerunikkut perorsaaneremut aqutsinermullu tunngasut sukumiinerusumik allannngortinneqarnissaat sulissutigineqassapput.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- Suliaq Aningaasaqarneremut Ataatsimiititamut ilisimatitsissutitut ingerlateqqinneqassasoq

### **Suliassamik saqqummiussineq**

Nuummi atuartut angerlarsimaffiat

Nuummi atuartut angerlarsimaffianni aqutsinermut tunngasut pitsanngorsarniarneqarput. Upalungaarsimanermut pilersaarut atuartut angerlarsimaffianni sulisut ulluinnarni atugassaannik assigiinngitsunik imalik suliarineqarpoq.

Perorsaaneremik piukkunnaateqartumik suliaqarnissamut sakkussanik pitsaaneruserumik amerlaneruserumillu angusaqarnissamut sulisut perorsaaneremik sulinerat nalilersuiffiqinneqarlunilu annertusarneqarpoq.

Atuartut angerlarsimaffiat ulluinnarni eqqissisimanerulerlunilu iluarnersimasooq atuartut angerlarsimaffianni pisortaq oqarpoq. Atuartut eqqarsaatigalugit ataqqineqarnerulernikuupput. Atuartut sulisunit tatigineqarlutik akuerineqarlutillu pineqarput, ilaatigullu pillaaneq naveersinerlu

atornagit oqaloqatigiinneq atornerqarnerulluni. Pisortaaup misigisai naapertorlugit, taamatut allannuineq inersimasut atuartunit maanna ataqqineqarnerulerannik kinguneqarpoq.

Perorsaanermut aqutsinermullu tunngasut misissuataarnerisa nalilersoqqinnerisalu kinguneraat, Nuummi atuartut angerlarsimaffiat atuartunut pitsaanerulerannik. Atuartut, atuartut angerlarsimaffianni ulluinnarni peqataatinneqarnerulerput saniatigullu illumi ataatsimoorussanut tunngatillugu piumasaqarfigineqarnerullutik.

Nuummi atuartut angerlarsimaffiani pissutsit pitsanngorsarnissaat ataavartumik sulissutigineqarput. Pissutsit isumaqatigiissutigineqartut kiisalu pisortaq siunersioqatiginiarlugu atuartut angerlarsimaffiat Atuarfeqarnermut Ulluuneranilu Neqerooruteqarnermut Immikkoortortaqaqriup ataavartumik attaveqarfigisarpaa.

Tasiilami atuartut angerlarsimaffiat

Tasiilami atuartut angerlarsimaffianni aqutsinermut perorsaanermullu tunngasut pitsanngorsarnissaannut innersuussutitalinnik suliffeqarfik siunnersuisartoq nalunaarusiaqarpoq. Nalunaarusiaq tunngavigalugu suliniutit assigiinngitsut Atuarfeqarnermut Ulluuneranilu Neqeroorutinut Immikkoortortaqaqriup aallartisarpai, taavalu atuartut angerlarsimaffianni sulisut atuartullu suleqatigalugit aqutsinermut perorsaanermullu tunngasut assigiinngitsut aallartinneqarnissaat pillugit oktobarip qaammataani Tasiilamukarnissaq naatsorsuutigalugu.

Atuartut angerlarsimaffianni suliniutit makku aallartisarneqareerput. Atuarfeqarnermut Ingerlatsiviup Brugseni, atuartut angerlarsimaffiannut nerisassanik pajuttuusartut attaveqarfagai, ilaatigut nerisassat pitsaasuunissaat pillugit taavalu atuartut ullup ingerlanerani nerisassanik aallertarnissaat pillugu, tassami kaallutik pissanngillat.

Tamatuma kingorna Brugsenip aamma atuartut angerlarsimaffianniittut qaammammut ataasiarlutik ataatsimeeqatigiittalernissaat Brugsenip atuartullu angerlarsimaffianniittut isumaqatigiissutigaaq. Nerisassat pitsaalluinnartuunissaat Brugsenimit neriorsuutigineqarpoq. Peqataanik akunnermiliullugu atuartut nerisassaqaarnissaat isumagineqassaaq, tassami neriffissat akunneri sivisuallaassanngillat.

Atuartunut ullut tamaasa atisamik errortarnissaannut periarfissaq atuutilerportaaq. Peqataanik atuartut angerlarsimaffiat ukiumut ikinnerpaamik marloriarlugu tamakkerlugu eqqiarneqartarnissaa innersuussutigineqarpoq. Aasaanerani aamma juullikkut nalaanni.

Kannguttaatsuliornerup pinaveersimatinnissaa anguniarlugu, atuartut angerlarsimaffianni siniffiit quleriisillugit iikkamut aalajangerlugit inissinneqarput, taamaalillutik sanileriisissinnaajunnaarsinneqarput.

Oktobarip qaammataani sulisut piginnaasaannik siuarsaajartortussamik kiisalu atuartut angerlarsimaffiata ingerlanneqarnera pitsanngorsarniarlugu Atuarfeqarnermut Ulluuneranilu Neqeroorutinut Immikkoortortaqaqrimmit sulisut ataaseq marlulluunniit takkutissapput. Oktobarip qaammataa ingerlalereerpat atuartut nutaat takkuteersimassapput illulu sungiukkiartulereersimassallugu. Taamaalillutik atuartut nutaat namminneq angerlarsimaffippalaarnissaanut ilusilersueqataasinnaapput, taavalu atuartut amerlanerit atuartut angerlarsimaffianniinnissaat anguniarlugu.

Atuartut angerlarsimaffianni sulineq qitiusariaqartoq atuartunut pitsaasumik ineriartortitsinissaq anguniagaasariaqarmat.

Atuarfeqarnermut ingerlatsivimmit sulisut Tasiilamut tikikkunik makku suliarineqarnissaannut ikiutissapput:

- Sulisunut atuartunullu ukioq kaajallallugu pilersaarutit, sammisassat ilanngullugit.
- Upalungaarsimanermut pilersaarut
- Angerlartitsisarnermut najoqqutassap pitsanngorsarnissaa – atuartut ilinniakkaminnik ingerlatsiinnarnissaat anguniarlugu iliuusissatut pilersaarummut ilanngunneqassaaq.
- Kollegiani malittarisassat misissuataarnissaat nutarternissaallu – matumani kaasarfimmisannut tunngatillugu malittarisassat ilanngullugit.
- Atuartut suleqatigalugit kollegiap aqqissugaanerata allanngortinnissaa.
- Kollegianut siunnersuisooqatigiit ingerlalluartut aalajangiisnnaassuseqartullu qulakkiissallugit. Siunnersuinikkut, pilersaarusiornikkut ataatsimeeqatigiittarnikkullu anguniagaq ilanngunneqassaaq.
- Sulisut sulineranni piffissaq atorneqartoq, matumani meeqqat angerlarsimaffimmiinneranni pigaartut sulisarnissaat taavalu sulisunut tiimit atugassat atorneqassasut anguniarlugu.
- Unnuakkut pigaartut suliassaasa tamakkiisunngortinnissaat.

#### *Aaqqiissutissatut siunnersuut – suliatigut naliliineq*

Tasiilami atuartut angerlarsimaffianni suliniutit suut iliuuseqarfigineqassanersut pillugit innersuussutitalinnik nalunaarussiaq tunngavigalugu iliuusissatut pilersaarusiortoqarpoq. Suliniutit ataasiakkaat aallartisarneqareerput, aamma Atuarfeqarnermut Ulluuneranilu Neqeroorutitut Immikkoortortaqaarfimmit siunnersortit marluk Tasiilamukarlutik Tasiilami sulisut immikkut ittumik sammisaqartereerunikkut perorsaanermut aqutsinermullu tunngasut sukumiinerusumik allanngortinneqarnissaat sulissutigineqassapput.

Nuummi atuartut angerlarsimaffianni pissutsit pitsanngorsarnissaat ataavartumik sulissutigineqarput. Pissutsit isumaqatigiissutigineqartut kiisalu pisortaq siunersioqatiginiarlugu atuartut angerlarsimaffiat Atuarfeqarnermut Ulluuneranilu Neqerooruteqarnermut Immikkoortortaqaarfiup ataavartumik attaveqarfigisarpaa.

#### *Aningaasaqarnikkut sulisoqarnikkullu naliliinerit*

Soqanngilaq

#### *Inatsisitigut tunngavissaq allakkallu tunngaviusumik uppernarsaatitallit*

Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Meeqqat atuarfiat pillugu inatsisartut inatsisaata allanngortinneqarnera pillugu Inatsisartut inatsisaat nr. 21, 13. november 2017-imeersumut nalinginnaasumik oqaaseqaatit (Ilinniartitaanerup imarisai, aqqissuussaanera piareersarneqartarnera ilisimasanillu katersisarneq pillugit malittarisassanik allanngortitsinerit).

#### *Ingerlariaqqinnissaq*

Atuarfeqarnermut Ulluuneranilu Neqeroorutitut Immikkoortortaqaarfimmi sulisut marluk oktobarip qaammataani Tasiilaliarlutik sulisut atuartullu suleqatigalugit perorsaanermut aqutsinermullu tunngasut aallartisariartornissaannik siunniussaqaarput.

Nuummi atuartut angerlarsimaffianni pissutsit ataavartumik malinnaaffigineqassapput, tassanilu aqutsinermut tunngatillugu siunersiueqatigiinneq aallutarineqartarumaarluni.

**Aningaasaqarnermut Allatseqarfirmmit oqaaseqaatit**

Aningaasaqarnermut Allatseqarfik oqaaseqartinneqanngilaq.

**Innuttaasunik peqataatitsineq/Attaveqaqatigiinneq**

Soqanngilaq

**Ingerlatsivinnit allanit oqaaseqaatit**

Soqanngilaq

**Ilanngussaq**

*Ilanngussaqanngilaq*

## **Punkt 6: Taasariaqartut allat**

## **Punkt 7: Oqaluuserisassat matoqqasut**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 16.15